

# Soek jy 'n fantastiese tutor?

[www.teachme2.com/matriek](http://www.teachme2.com/matriek)





# basic education

Department:  
Basic Education  
**REPUBLIC OF SOUTH AFRICA**

## **SENIORSERTIFIKAAT-EKSAMEN/ NASIONALE SENIORSERTIFIKAAT-EKSAMEN**

**AFRIKAANS EERSTE ADDISIONELE TAAL V3**

**2023**

**PUNTE: 100**

**TYD: 2½ uur**

**Hierdie vraestel bestaan uit 7 bladsye.**

## INSTRUKSIES EN INLIGTING

1. Hierdie vraestel bestaan uit DRIE afdelings.  
  
AFDELING A: Opstel (50)  
AFDELING B: Lang transaksionele teks (30)  
AFDELING C: Kort transaksionele teks (20)
2. Beantwoord EEN vraag uit elke afdeling.
3. Skryf in die taal wat geassesseer word. Vermyn sms-taal.
4. Begin ELKE afdeling op 'n NUWE bladsy.
5. Jy moet jou skryfstukke beplan, redigeer en proeflees. Gebruik byvoorbeeld 'n kopkaart, vloeiagram of sleutelwoorde. Doen die beplanning VOORDAT jy die finale produk vir elke afdeling skryf.
6. Alle beplanning moet duidelik aangedui en ingelewer word. Daar word aanbeveel dat jy 'n streep deur alle beplanning trek.
7. Beplan jou tyd só:  
  
AFDELING A: 80 minute  
AFDELING B: 40 minute  
AFDELING C: 30 minute
8. Nommer die skryfstukke korrek volgens die nommeringstelsel wat in hierdie vraestel gebruik is.
9. Skryf die titel/opskrif boaan elke skryfstuk.
10. Die titel word NIE in aanmerking geneem wanneer die woorde getel word nie.
11. Skryf netjies en leesbaar.

**AFDELING A: OPSTEL****VRAAG 1**

- Skryf 'n opstel van 250–300 woorde oor EEN van die volgende onderwerpe in VRAAG 1.1–1.8.
- Skryf die vraagnommer en die titel van die onderwerp wat jy kies, boaan. By vraagnommer 1.6, 1.7 of 1.8 moet jy jou eie TITEL gee. Jou opstel moet met die prent verband hou.

1.1 Dit was 'n ongeluk [50]

1.2 Die lewe is kort [50]

1.3 Gesondheid is belangrik [50]

1.4 Geld kan alles koop [50]

1.5 My droom vir my land, Suid-Afrika [50]

1.6



[Bron: [sanews.gov.za](http://sanews.gov.za)]

[50]

1.7



[Bron: [Google Images](#)]

[50]

1.8



[Bron: [planninginclusivecommunities](#)]

[50]

**TOTAAL AFDELING A:**

**50**

**AFDELING B: LANG TRANSAKSIONELE TEKS****VRAAG 2**

- Kies EEN onderwerp en skryf 120–150 woorde daaroor.
- Skryf die nommer van die onderwerp wat jy kies, boaan jou skryfstuk neer.

**2.1 INFORMELE BRIEF**

'n Onderwyser het jou in sy/haar vrye tyd gehelp om vir hierdie eksamen voor te berei. Jy wil vir die onderwyser 'n brief skryf om dankie te sê.

Skryf 'n INFORMELE BRIEF aan die onderwyser.

**[30]****2.2 FORMELE BRIEF (AANSOEKBRIEF)**

Die advertensie hieronder het op 15 April 2023 in *Die Sondag* verskyn.

**Sonstraal Supermark**

Ons benodig 'n kassiere om elke weekdag van 08:00 tot 16:00 te werk.

Doen aansoek by:

Die Bestuurder

Sonstraal Supermark

Posbus 587

Sonkyndland

0033

In jou aansoekbrief moet jy die volgende noem:

- ❖ Kwalifikasies/Hoogste graad geslaag
- ❖ Karaktereienskappe
- ❖ Ervaring
- ❖ Taalbevoegdheid
- ❖ Volledige kontakbesonderhede

Salaris onderhandelbaar.

Sluitingsdatum vir aansoeke: 30 Julie 2023

Gebruik die inligting in die advertensie om vir hierdie werk aansoek te doen.

Skryf 'n FORMELE AANSOEKBRIEF aan die bestuurder.

**[30]**

**2.3 KOERANTBERIG**

Jy is lid van 'n organisasie wat 'n program het om straatkinders te help. Die plaaslike koerant het jou gevra om 'n koerantberig oor hierdie hulpprogram te skryf.

Skryf die KOERANTBERIG neer.

**[30]****2.4 INFORMELE TOESPRAAK**

Jy is bekommerd oor julle omgewing wat so vuil is. Jy is 'n spreker by 'n vergadering met die gemeenskap waar jy vir hulle gaan vertel waarom 'n vuil omgewing gevaarlik is. Sê ook vir hulle wat hulle kan doen om julle omgewing skoon te hou.

Skryf die INFORMELE TOESPRAAK neer.

**[30]****TOTAAL AFDELING B: 30**

**AFDELING C: KORT TRANSAKSIONELE TEKS****VRAAG 3**

- Kies EEN onderwerp en skryf 80–100 woorde daaroor.
- Skryf die nommer van die onderwerp wat jy kies, boaan jou skryfstuk neer.

**3.1 ADVERTENSIE**

Jy het 'n moderne selfoon wat jy wil verkoop. Jy wil dit adverteer.

Ontwerp die ADVERTENSIE.

**[20]****3.2 DAGBOEKINSKRYWINGS**

Jou beste maat trek oor twee dae om in 'n ander provinsie te gaan bly. Môre is julle laaste dag saam.

Maak die volgende TWEE DAGBOEKINSKRYWINGS:

- Die aand vóór julle laaste dag saam
- Die aand nádat julle van mekaar afskeid geneem het

**[20]****3.3 RIGTINGAANWYSINGS**

Die hoërskool hou Saterdag 'n familiedag. Mense wat die familiedag wil bywoon, kan vanaf die hoërskool tot by die park stap.

Gee vir die deelnemers duidelike rigtingaanwysings vanaf die hoërskool tot by die park. Noem 'n paar straatname en bakens.

Skryf die RIGTINGAANWYSINGS puntsgewys en in volsinne neer.

**[20]**

**TOTAAL AFDELING C: 20**  
**GROOTTOTAAL: 100**